

সীমিত
অধ্যায়-১৩
রণ অভিযান
অনুচ্ছেদ - ৪০
প্রতিরক্ষা

৪০০১। প্রতিরক্ষার মৌলিক প্রয়োজনীয়তা।

- ক। ভূমির সঠিক ব্যবহার।
- খ। চতুর্মুখী প্রতিরক্ষা।
- গ। গভীরতা।
- ঘ। বিস্তৃতি।
- ঙ। পারস্পরিক সহযোগিতা।
- চ। নমনীয়তা।
- ছ। ছদ্মবেশ ও গোপনীয়তা।

৪০০২। সেকশন অধিনায়কের আদেশ/ব্রিফিং।

- ক। ভূমি চিহ্ন। গুরুত্বপূর্ণ ভূমি চিহ্ন ও দায়িত্বপূর্ণ এলাকা বন্টন।
- খ। পরিস্থিতি।

(১) শত্রু। শত্রুর সর্বশেষ পরিস্থিতি যা শুধুমাত্র সেকশনের সৈনিকদের জানা উচিত।

(২) নিজস্ব। প্লাটুন অধিনায়কের উদ্দেশ্য, প্লাটুনের অন্যান্য সেকশনের অবস্থান, নিজ সেকশনের মধ্যে কোম্পানীর কোন অস্ত্র থাকলে তার অবস্থান ইত্যাদি।

গ। উদ্দেশ্য। যে এলাকা সামিল করে বা সামিল না করে এবং যে সময়ের মধ্যে প্রতিরক্ষা নিতে হবে।

ঘ। কার্যসম্পাদন।

- (১) পরিখার অবস্থান যা ভূমিতে চিহ্নিত (বিভিন্ন জনের দায়িত্ব)।
- (২) ফায়ার পরিধি।
- (৩) ফায়ারারের দায়িত্ব।
- (৪) কে প্রথম প্রহরী হবে এবং কোথায় সে অবস্থান নিবে।
- (৫) যে সময়ের মধ্যে অবস্থান তৈরী শেষ হবে।
- (৬) কাজের অগ্রাধিকার।
- (৭) চলাচল শৃংখলা সম্বন্ধে আদেশাবলী।
- (৮) টহল/পর্যবেক্ষণ চৌকি/শ্রবণ চৌকি।

ঙ। প্রশাসন ও ব্যবস্থাপনা।

- (১) দ্রব্য সামগ্রী ও গোলাবারুদ বিতরণ।
- (২) খাবার এবং পানীয়ের ব্যবস্থা।
- (৩) পায়খানা ও আবর্জনা।
- (৪) বিশ্রাম।
- (৫) চিকিৎসা।

চ। আদেশ ও সংকেত।

- (১) প্লাটুন ও কোম্পানী আদেশ চৌকি এবং সদরের অবস্থান।
- (২) আপদকালীন সংকেত।
- (৩) স্ট্যান্ড টুর সংকেত।
- (৪) ছাড়শব্দ।

এমনও হতে পারে যে উপরোক্ত আদেশের সাথে আরও কিছু যোগ অথবা বাদ যেতে পারে। কিন্তু মনে রাখতে হবে যে, আদেশ যতদূর সম্ভব সংক্ষিপ্ত হতে হবে।

সেকশন অধিনায়কের করণীয়। সেকশন অধিনায়ক সাধারণভাবে নিম্নোক্ত বিষয়গুলি নিশ্চিত করবেঃ

ক। সৈনিকেরা যথাস্থানে আসার সাথে সাথেই এবং খনন কাজ শুরু করার আগে সেকশন অধিনায়ককে প্রত্যেকের অবস্থান ও ফায়ার এলাকার দায়িত্ব বুঝিয়ে দিতে হবে।

খ। সেকশনের সব অস্ত্র এমনভাবে লাগাতে হবে যেন সকলে নিজ নিজ দায়িত্বপূর্ণ এলাকায় ফায়ার করতে পারে। প্রয়োজন হলে ভূমিতে শায়িত অবস্থানে গিয়ে অস্ত্র অবস্থান নির্ণয় করতে হবে।

গ। সকল সতর্কতামূলক ব্যবস্থা নেয়া আছে এবং শত্রুর অতর্কিত আক্রমণ প্রতিহত করার জন্য সেকশন প্রস্তুত।

ঘ। সকলে চলাচল বিধি-নিষেধ মেনে চলছে।

ঙ। সেকশন ঠিকমতো খনন করে অবস্থান নিয়েছে।


চ। শত্রুর ভূমি দৃষ্টি হতে সেকশন ভালোমতো লুকানো আছে।

ছ। সেকশনের সদস্যরা ঠিকমত নিত্যক্রম মেনে চলছে।

জ। পাল্লা কার্ড তৈরী আছে। সেকশন অধিনায়ককে নিশ্চিত করতে হবে যে, প্রত্যেকে চতুর্দিকের ভূমি চেনে এবং পাল্লা কার্ডে দেয়া সকল নির্দিষ্ট বস্তু ও তাদের পাল্লা সম্পর্কে অবগত।

সীমিত
প্রতিরক্ষায় রাইফেল সেকশন

(মাপনি অনুযায়ী নয়)



চিত্র ৪০-১ : প্রতিরক্ষায় রাইফেল

নোট :

- ১। সেকশন অধিনায়ক এর অবস্থান যে কোন একটি এলএমজি দলের সাথে দেখানো হয়েছে। তিনি মাঝের রাইফেল পরিখায় অবস্থান করতে পারেন।
- ২। সেকশন উপঅধিনায়ক এর অবস্থান পাশের যে কোন একটি রাইফেল পরিখায় হতে পারে। তবে উক্ত অবস্থানটি শত্রুর সম্ভাব্য আগমন পথে হওয়া উচিত।
- ৩। একটি পরিখা থেকে অন্যটির দূরত্ব কমপক্ষে 15^x থেকে 20^x হতে হবে।